

Хаврин тәрәнд белдхмн

Сарпинск МЖС-р хаврин тәрә тәрлгънд белдвр му йовна. Ясгдх 40-с үлү селәнә эдлахун машидәс, зуг гурвхн трактор ясгддж гарв.

Эн МЖС-н кесг шин техник, газа хур-чиигт кевтнә. Эн машид дор мод, эс гидж чолуд тәвдж, газрас невчк өөдлүлдж зогсадж, бальчг-шавринь багърулдж болхмн. Иим көдлмш кегдджәхш.

Механизатормуднь нургълдж МЖС-н көдлмшт орлцджацхахш. Эн тоотиг МЖС-н директор үр Кусайло медә бәәсн бийнь, төртән авч, тедниг көдлмшүрнь дууддж авхш.

Эн МЖС-т 50 бий кун бәәх нег гер бәәнә. Болв, эн гертнь нур-гаран угъадг сав болн кун суудг скамейк чигн уга. Көдлмшәсн сул цагла радио сонъсн гихлә, радиоприемник хамхрха.

Эн тату-тартгиг цугтнь уга кедж, МЖС-н директор үр Кусайло көдлмшч әмтнә бәәдлд оньган өгч, хаврин тәрә тәрлгънд белдвриг цөбкн өдрмүдин эргцд ясдж авх зөвтә. Эн төрт эклц парторганизац чигн орлцдж үр Кусайлон хаджгър хәләциг чиклх гиджәнәвдн.

Ю. ТКАЧЕНКО.